




REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?

S'anime, chi est produxu de sa Toei Animation chi dd'at trasmìtiu in su canali Fuji Tv de su 20 de Ladàmini de su 1999, est s'arrangiamentu de su manga scrittu e disinniau de Eichirō Oda chi est, oindii, su manga chi at bèndiu prus còpias in totu su mundu, prus de 500 millionis, lampu!

One Piece contat de is benturas de Rufy, unu picocu de coru bonu chi bisat de essi su rei de is piratas e po lompi a custu bisu at a atobiai unu sciacu mannu de personàgius in medas logus diferentis e stravanaus. Ambientau in unu mundu chi est pruschetotu marinu, ddoi funt unu nùmeru indefiniu de isulas bìvias chi medas funt natzionis e unu continenti sceti, stèrriu in totu su meridianu e anti-meridianu, chi spratit su mundu in duus. Su poderi est mantènniu de su Governu Mundiali, chi guvernat prus de 180 natzionis, agiudau de sa Marina chi cumbatit is piratas e s'Armada rivoluzionaria chi cumbatit cun sa tarea de nci strumpai su status quo.

S'anime est trasmìtiu su domìnicu a mengianu in Giaponi e est arribau a s'episòdiu nùmeru 1036. Sa stòria est prus agoa che in su manga, tandu chi candu s'acostat meda benint trasmìtius episòdius filler po ddis mantenni stesias.

Fintzas s'incumintzu de su contu est differenti che a su manga. Chi in su shonen incumintzat cun Rufy pipiu, in s'anime intamis incumintzat cun is piratas de sa truma de Albida chi aciapant una carrada de su mari cunvintus chi siat prena de binu ma de innoi nd'at a bessiri Rufy chi po sa primu borta at a nai sa fràsia famada "Kaizoku ou ni ore wa naru!" (apu a essi su rei de is piratas!).

